

I

Ovom odlukom utvrđuje se visina prihoda koje treba da ostvaruje porodica mjesečno da sama za sebe obezbijedi smještaj i to kako slijedi:

- Porodica sa 4 člana prihod od 622.00 KM
- Porodica sa 3 člana prihod od 515.00 KM
- Porodica sa 2 člana prihod od 410.00 KM
- Porodica sa 1 članom prihod od 305.00 KM

Za svakog narednog člana, iznos se uvećava za 105,00 KM.

II

Visinu prihoda koje ostvaruju članovi porodičnog domaćinstva utvrđuje nadležni općinski stambeni organ po službenoj dužnosti.

III

Ova Odluka će se usklađivati svakih 3 (tri) mjeseca, zavisno od visine potrošačke korpe za četveročlanu porodicu Bosansko-podrinjskog kantona Goražde.

IV

Danom stupanja na snagu ove odluke, prestaje primjena Odluke o visini potrebnih prihoda za zadovoljenje stambenih potreba ("Službene novine Bosansko-podrinjskog kantona Goražde", br. 15/02).

V

Odluka stupa na snagu danom objavljivanja u "Službenim novinama Bosansko-podrinjskog kantona Goražde".

Broj: 03-14-663/03
02.04.2003.godine
G o r a ž d e

PREMIJER
mr.Salko Obhodaš.s.r.

141

Na osnovu člana 138. Poslovnika Skupštine Bosansko-podrinjskog kantona Goražde /"Službene novine Bosansko-podrinjskog kantona Goražde", broj: 1/98/, Skupština Bosansko-podrinjskog kantona Goražde na sjednici održanoj 8. aprila 2003. godine, donijela je sljedeći:

**ZAKLJUČAK
O DAVANJU SAGLASNOST NA STATUT JAVNOG
PREDUZEĆA RTV BOSANSKO-PODRINJSKOG
KANTONA GORAŽDE**

I

Daje se saglasnost na Statut Javnog preduzeća RTV Bosansko-podrinjskog kantona Goražde.

II

Ovaj Zaključak i Statut Javnog preduzeća RTV Bosansko-podrinjskog kantona Goražde objavit će se u "Službenim novinama Bosansko-podrinjskog kantona Goražde".

Broj: 01-01-203/03
8. aprila 2003. godine
G o r a ž d e

PREDSJEDAVALAČ
Dr. Alija Begović.s.r.

Na osnovu člana 17. stav 2. Zakona o javnim preduzećima /Službeni list R BiH broj: 4/92/, člana 3. Zakona o radio i televiziji Bosansko-podrinjskog kantona Goražde i saglasnosti Osnivača JP Radio-televizija Bosansko-podrinjskog kantona Goražde. Vijeće RTV Goražde na svojoj 12. sjednici održanoj 18.12.2002. godine, d o n o s i:

**STATUT
JAVNOG PREDUZEĆA RADIO-TELEVIZIJA
BOSANSKO-PODRINJSKOG KANTONA**

I OSNOVNE ODREDBE

Član 1.

Ovim Statutom uređuju se pitanja u vezi osnivanja i organizacije Radio-televizije Bosansko-podrinjskog kantona Goražde, naziv i sjedište preduzeća, djelatnost, organi RTV Goražde i način njihova izbora, pravima i odgovornostima zaposlenih, njen program, odnos prema korisnicima usluga, načela ekonomske propagande i sponzoriranja, način finansiranja i druga pitanja utvrđena Zakonom i drugim odredbama značajnim za rad ovog preduzeća.

Član 2.

Javno preduzeće "Radio-televizija Bosansko-podrinjskog kantona Goražde" /u daljem tekstu: RTV Goražde/ osnovala je Skupština Bosansko-podrinjskog kantona Goražde radi ostvarivanja prava konstitutivnih naroda zajedno sa ostalima kao i prava građana Bosansko-podrinjskog kantona Goražde na informisanje, kao i zadovoljavanje njihovih kulturnih, obrazovnih i drugih potreba.

Član 3.

RTV Goražde svoje programe čini dostupnim javnosti putem kantonalne i državne radio-difuzne mreže /kako je to naznačeno u dozvoli za rad Regulatorne agencije za komunikacije - CRA ili njenog nasljednika/ i proizvodnjom i plasmanom video i audio materijala.

Član 4.

RTV Goražde posluje pod firmom: Javno preduzeće "Radio-Televizija Bosansko-podrinjskog kantona Goražde".

Skraćeni naziv firme je: "RTV Goražde".

Član 5.

Sjedište RTV Goražde je u Goraždu, ul. Zaima Imamovića br. 2.

Član 6.

RTV Goražde ima svojstvo pravnog lica i samostalno nastupa u pravnom prometu u svoje ime i za svoj račun sa potpunom odgovornošću.

Član 7.

RTV Goražde ima svoj pečat i štambilj.

Pečat RTV Goražde je okruglog oblika promjera 30 mm na kome latiničnim pismom piše: JAVNO PREDUZEĆE RADIO-TELEVIZIJA BOSANSKO-PODRINJSKOG KANTONA GORAŽDE - "RTV GORAŽDE".

Štambilj RTV Goražde je pravougaonog oblika, dimenzija 40 x 20mm i sadrži skraćeni naziv firme, broj i datum i služi za potrebe protokola.

Korištenje, čuvanje i način upotrebe pečata i štambilja i njihov broj utvrđuje se odlukom direktora RTV Goražde.

II DJELATNOST RTV GORAŽDE

Član 8.

Djelatnost RTV Goražde je:

1. pripremanje, proizvodnja, reprodukcija, difuzija i prijenos vlastitih radio i televizijskih programa namjenjenih javnosti u BPK.
2. prijenos i difuzija radio i televizijskih programa drugih radio-televizijskih stanica u zemlji i svijetu za javnost u BPK Goražde.
3. učesće u zajedničkim programima radio i televizijskih stanica u Bosni i Hercegovini u na ekonomskoj osnovi i u skladu sa tehničkim mogućnostima.
4. arhiviranje fonografskih i videografskih zapisa.

Pored osnovne djelatnosti iz člana 8. ovog Statuta RTV Goražde obavlja i druge djelatnosti u okviru registrovane djelatnosti kojima doprinosi obogaćivanju radio i televizijske ponude, uvećavanju materijalne osnove za razvoj osnovne djelatnosti i poboljšavanju uslova rada i standarda zaposlenih.

III ZASTUPANJE I PREDSTAVLJANJE

Član 9.

RTV Goražde zastupa i predstavlja direktor RTV Goražde, bez ograničenja. U slučaju odsutnosti direktora, RTV Goražde zastupa i predstavlja lice koje on ovlasti, u granicama datih ovlaštenja.

Član 10.

Direktor RTV Goražde je ovlašten da u ime RTV Goražde u okviru svoje djelatnosti zaključuje ugovore, vrši druge pravne poslove i radnje, kao i da zastupa RTV Goražde pred sudovima i drugim organima.

Direktor RTV Goražde može generalnim ili specijalnim ovlaštenjem predati pojedina ovlaštenja za zastupanje i predstavljanje drugim zaposlenicima ili na bilo koji drugi način, ali ne može dalje prenositi. Ova ovlaštenja mogu biti predata i direktor RTV Goražde.

IV UPRAVLJANJE

Član 12.

Organi RTV Goražde su slijedeći:

- a) Vijeće RTV Goražde
- b) Nadzorni odbor
- c) Direktor RTV Goražde

Član 13.

Organ upravljanja u RTV Goražde je Vijeće RTV Goražde.

Vijeće RTV Goražde broji 5 /pet/ članova, koje bira Skupština Bosansko-podrinjskog kantona Goražde.

Jedan član Vijeća RTV Goražde kandidira se iz reda uposlenih s tim što u Vijeće ne može biti imenovan direktor RTV Goražde i glavni i odgovorni urednici.

Mandat članova Vijeća RTV Goražde traje 4 /četiri/ godine i mogu biti ponovo birani još jednom.

Članovima Vijeća RTV Goražde prestaje članstvo u Vijeću:

- ako budu razrješeni prije isteka mandata,
- ako bude razrješen na vlastiti zahtjev (podnese ostavku).

Član 14.

Odlukom osnivača RTV Goražde članovi Vijeća RTV Goražde mogu biti smjenjeni prije isteka mandata.

Član 15.

Vijeće RTV Goražde bira iz svog sastava predsjednika.

Član 16.

Nadležnosti Vijeća RTV Goražde:

1. Utvrđuje programsku politiku /principe, tematsku usmjerenost, obim i strukturu/ u skladu sa zakonom i nadzire njeno ostvarivanje;
2. Osigurava odgovarajuću nacionalnu strukturu zaposlenih;
3. Donosi Statut RTV Goražde, kodekse, opće akte o emitiranju ekonomsko-propagandnog programa i naplati pretplate i druge opće akte;
4. Utvrđuje programske šeme RTV Goražde /član 17. stav 2. Zakona o RTV BPK Goražde/;
5. Donosi finansijski plan i godišnji finansijski izvještaj i periodične obračune;
6. Odobrava zaključivanje ugovora kojim bi se RTV Goražde zadužila iznad iznosa od 10.000,00 KM;
7. Odobrava osiguranje dodatnih programskih usluga /član 8. Zakona o RTV BPK Goražde/;
8. Godišnje o izboru logotipova RTV Goražde i naziva;
9. Imenuje članove Nadzornog odbora;
10. Imenuje i razrješava direktora.

11. Predlaže osnivaču odluku o visini naknade za rad članovima Vijeća i Nadzornog odbora;
12. Vršiti druge obaveze utvrđene zakonom i Statutom;
13. Podnosi zahtjev CRA za dozvolu za rad, podržava i osigurava njeno poštivanje.

Član 17.

Bliže odredbe o radu Vijeća RTV Goražde utvrđuju se Poslovníkom o radu ovog organa.

Član 18.

Nadležnosti Nadzornog odbora su:

1. donosi opći akt o finansijskom poslovanju RTV Goražde;
 2. donosi opći akt o disciplinskom postupku;
 3. u ime RTV Goražde zaključuje ugovor o radu sa direktorom;
 4. odobrava osnivanje podružnica i ostvarivanje interesa u drugim pravnim osobama /član 11. Zakona o RTV BPK Goražde/;
 5. donosi cjenovnik marketinških usluga;
 6. predlaže finansijski plan i godišnji finansijski izvještaj i periodične obračune;
 7. donosi opći akt o arhiviranju proizvedenih i prikupljenih fonografskih i videografskih zapisa;
 8. vrši druge poslove određene ovim Statutom.
- Nadzorni odbor nema ovlaštenja u pitanjima koja se odnose na programe Radija ili Televizije.

Član 19.

Nadzorni odbor ima tri člana.

Mandat Nadzornog odbora je četiri godine.

U Nadzorni odbor ne mogu biti birani članovi Skupštine BPK Goražde i Vlade kantona, Vijeća RTV Goražde, niti osobe koje zakonom ne mogu vršiti tu funkciju.

Mandat člana Nadzornog odbora koji je izabran umjesto člana kojem nije bio istekao mandat traje do isteka mandata prethodnog člana.

Član 20.

Nadležnosti Direktora RTV Goražde:

1. zastupa i predstavlja RTV Goražde;
2. odgovoran je zakonitost rada RTV Goražde i za poštovanje programskih principa utvrdjenih zakonom i odlukama Vijeća RTV Goražde;
3. postavlja urednike Radija i urednike Televizije;
4. donosi opći akt kojim se uređuje postupak i način ostvarivanja prava na emitiranje programa po zahtjevu;
5. obavlja i druge poslove određene zakonom. Statutom i drugim općim aktima RTV Goražde.
6. imenuje članove Uredničkog vijeća RTV Goražde.

RUKOVOĐENJE

Član 21.

Mandat direktora RTV Goražde je 4 /četiri/ godine, a može se obnoviti samo još jednom. U okolnostima neizbora direktora Vijeće RTV Goražde imenuje vršioca dužnosti na rok od šest mjeseci.

Član 22.

Za direktora RTV Goražde može biti imenovano lice koje pored općih zakonskih uvjeta ispunjava i posebne uvjete navedene u Pravilniku o unutrašnjoj organizaciji i sistematizaciji poslova i radnih zadataka.

Član 23.

Direktora RTV Goražde imenuje i razrješava Vijeće RTV Goražde uz prethodnu saglasnost Osnivača.

Direktora RTV Goražde imenuje Vijeće na osnovu javnog konkursa.

Član 24.

U ostvarivanju prava i obaveza u rukovođenju direktor RTV Goražde:-

- vodi poslovanje i samostalno donosi poslovne odluke;
- predlaže osnove poslovne i programske politike;
- predlaže programe rada i planove rada i razvoja i preduzima mjere za njihovo sprovođenje;
- predlaže organizaciju RTV Goražde;
- izvršava i organizuje sprovođenje odluka Vijeća RTV Goražde;
- imenuje i razrješava svoje pomoćnike i druge zaposlenike sa posebnim ovlaštenjima i odgovornostima;
- preduzima mjere u oblasti bezbjednosti i zaštite, zaštite na radu, zaštite i unapređenja životne sredine u skladu sa zakonskim i općim aktima;
- podnosi izvještaj o poslovanju i godišnji obračun;
- odlučuje o pravima, obavezama i odgovornostima zaposlenika u skladu sa Zakonom i općim aktima RTV Goražde;
- obavlja i druge poslove i zadatke u skladu sa Zakonom, Statutom i drugim aktima RTV Goražde.

Član 25.

Direktor RTV Goražde može obustaviti primjenu svih akata koji su u suprotnosti sa Zakonom, poslovnim politikom, ovim Statutom i drugim općim aktima RTV Goražde. U slučajevima obustave akata iz prethodnog stava, direktor RTV Goražde je dužan obavijestiti Vijeće RTV Goražde i Osnivača.

Član 26.

Direktor RTV Goražde je samostalan u svom radu, a za svoj rad je odgovoran Vijeću RTV Goražde i Osnivaču.

Član 27.

U okviru svog djelokruga rada, direktor RTV Goražde odlučuje, donosi rješenja, uputstva, vrši raspodjelu poslova i izdaje naloge i smjernice za izvršavanje poslova i zadataka.

Član 28.

Direktoru RTV Goražde prestaje funkcija po slijedećim osnovama:

- istekom mandata;
- razrješenjem;
- ostavkom;
- prestankom radnog odnosa i
- nastupanjem smetnji za obavljanje funkcije direktora.

Član 29.

O razrješenju direktora RTV Goražde odlučuje Vijeće RTV Goražde.

Postupak razrješenja direktora RTV Goražde pokreće Vijeće RTV Goražde po svojoj inicijativi ili na zahtjev Osnivača.

Član 30.

Radio i Televizija, svaki zasebno, imaju urednike.

Urednik je odgovoran za ukupnu programsku orijentaciju, kao i za svaku informaciju objavljenu u programu, osim saopćenja iz člana 29. Zakona o RTV BPK Goražde.

Radio i Televizija mogu imati više odgovornih urednika za pojedine segmente programa.

Član 31.

Glavni i odgovorni urednik odgovoran je za ukupnu uređivačku politiku i realizaciju utvrđene programske koncepcije u skladu sa Zakonom.

Član 32.

Glavni i odgovorni urednici imaju pravo i dužnost:

- da učestvuju u utvrđivanju programske politike i neposredno je odgovoran za realizaciju programskih planova i projekcija;
- da redovito analizira ostvarivanje uređivačke politike i predlaže mjere za unapređenje strukture i koncepta programa;
- da inicira suradnju sa kulturnim, obrazovnim i naučnim institucijama i istaknutim stvarateljima;
- da ne dozvoli emitovanje onih sadržaja čije su poruke u suprotnosti sa društvenim normama, kodeksom za uređivanje televizijskog i radio programa donesenim od strane Regulatorne agencije za komunikacije /CRA/, kodeksom ostvarivanja programske, jezičke i ekono-

msko-propagandne politike ili su u suprotnosti sa zajamčenim slobodama i pravima čovjeka i građanina, kao u slučajevima nepridržavanja usvojenih principa uređivačke politike.

- učestvuje u radu Uredničkog vijeća RTV Goražde.

Član 33.

Glavne i odgovorne urednike RTV Goražde imenuje i razrješava direktor RTV Goražde.

Glavni i odgovorni urednik se imenuje na osnovu javnog konkursa.

Glavni i odgovorni urednici za svoj rad odgovorni su direktoru RTV Goražde.

Član 34.

Za glavnog i odgovornog urednika može biti imenovano lice koje pored općih zakonskih uslova ispunjava i posebne uslove navedene i regulisane Pravilnikom o unutrašnjoj organizaciji i sistematizaciji poslova i radnih zadataka.

Član 35.

Glavni i odgovorni urednici mogu biti razrješeni dužnosti:

- ako ne obavlja svoju funkciju u skladu sa Zakonom o javnom informisanju, Zakonom o radio-televiziji BPK-a Goražde, Statutom i općim aktima RTV Goražde;
- na zahtjev direktora;
- na vlastiti zahtjev.

Član 36.

Pojedinim dijelovima i segmentima radio i TV programa neposredno rukovode urednici.

Urednici su odgovorni za realizaciju operativno-programskih planova glavnim i odgovornim urednicima radija i televizije.

Član 37.

RTV Goražde ima Uredničko vijeće koje se osniva za radio i televiziju. Uredničko vijeće broji pet članova koje je sastavljeno tako da odražava nacionalni, kulturni sastav stanovništva. Najmanje jedan član Vijeća mora biti prosvjetni radnik.

Član 38.

Mandat članova Uredničkog vijeća traje dvije godine s tim da im se jednokratno može obnoviti mandat. Članovi vijeća rade bez naknade.

Članovi koji napuste Vijeće prije isteka mandata biće zamijenjeni adekvatnim predstavnikom.

Član 39.

Uredničko vijeće ima nadležnost da:

- savjetuje odgovorne urednike kako da poboljšaju program u cilju zadovoljavanja potreba zajednice;
- ukazuje direktoru RTV Goražde i glavnim i odgovornim urednicima na eventualnu politi-

čku, nacionalnu, kulturnu i vjersku pristranost emisija;

- bira predsjedavajućeg čiji mandat traje jednu godinu bez mogućnosti ponovnog izbora;
- saraduje sa Regulatornom agencijom za komunikacije /CRA/.

Član 40.

Uredničko vijeće održava sjednice najmanje jednom u dva mjeseca. U radu Vijeća učestvuju direktor i glavni i odgovorni urednici programa. Odluke Vijeće donosi većinom od ukupnog broja članova.

Sa sastanka Vijeća podnosi se izvještaj koji se arhivira.

Izvještaji su dostupni javnosti.

Član 41.

Administrativne usluge Vijeću dužna je da obezbijedi RTV Goražde.

VI ORGANIZACIJA RTV GORAŽDE

Član 42.

RTV Goražde je jedinstveni organizacioni, pravni i ekonomski subjekt, čime se omogućava uspješno izvršavanje funkcija, efikasnost u upravljanju, uspješnost u poslovanju, operativnost u donošenju odluka i obaveznost njihovog izvršavanja.

Član 43.

Djelatnost RTV Goražde odvija se u slijedećim organizacionim jedinicama:

- Radio Goražde,
- TV Goražde,
- Uslužno - tehnička služba.

Član 44.

U organizacionoj jedinici Radio Goražde obavljaju se poslovi:

Pripremanje i proizvodnja radijskog programa kroz koji se građanima i njihovim asocijacijama daju informacije o događanjima u svim sektorima društvenog života a koje pobuđuju interesovanje ili bi ga mogle pobuđivati, uz pridržavanje principa: tačnosti, istinitosti, blagovremenosti, poštivanju ljudskog dostojanstva i različitosti mišljenja i uvjerenja.

U pripremanju i proizvodnji radio programa pored vlastitih mogu se u skladu sa normativnim standardima i ugovorima koristiti kapacitete drugih domaćih i stranih radio kuća i njihovi programi /razmjena radio programa/ kao i učešće u stvaranju zajedničkih poruka i reklama:

Arhiviranje audio zapisa;

Pružanje tehničkih usluga trećim licima /produkciono-tehničkih kapaciteta/;

Pružanje intelektualnih usluga /elektronski dizajn i sl./.

Član 45.

U organizacionoj jedinici Televizija Goražde obavljaju se poslovi:

Pripremanje i proizvodnja televizijskog programa kroz koji se građanima i njihovim asocijacijama daju informacije o događanjima u svim sektorima društvenog života a koje pobuđuju interesovanje ili bi ga mogle pobuđivati, uz pridržavanje principa: tačnosti, istinitosti, blagovremenosti, poštivanju ljudskog dostojanstva i različitosti mišljenja i uvjerenja.

U pripremanju i proizvodnji televizijskog programa pored vlastitih mogu se u skladu sa normativnim standardima i ugovorima koristiti kapacitete drugih domaćih i stranih televizijskih kuća i njihovi programi /razmjena televizijskog programa/ kao i učešće u stvaranju zajedničkih poruka i reklama;

Proizvodnja, snimanje, distribucija i prikazivanje filmova;

Arhiviranje video zapisa;

Pružanje tehničkih usluga trećim licima /produkciono-tehničkih kapaciteta i filmske laboratorije/;

Pružanje intelektualnih usluga /scenografskih, dekoraterskih, kostimografskih, grafičkog dizajna, elektronskog dizajna i sl./.

Član 46.

U organizacionoj jedinici Uslužno-tehnička služba obavljaju se poslovi:

Kadrovski i pravni poslovi evidencije;

Plansko-analitički;

Računovodstveno-finansijski;

Daktilografski, prijem i otprema pošte;

Opsluživanje organa upravljanja i rukovođenja;

Nabavka i uskladjivanje materijala;

Ostale usluge kao preteča djelatnost;

Marketing poslovi iz domena proizvodnje, promocije, plasmana i distribucije proizvoda Preduzeća;

Ugovaranje proizvodnje i emitovanje svih oblika ekonomsko-propagandnih sadržaja i poruka;

Ugovaranje i proizvodnja ekonomsko-propagandnih spotova;

Ugovaranje proizvodnje i emitiranje zabavno-komercijalnih emisija;

Razvijanje svih oblika nekomercijalnih reklama /oglašavanje/;

Ugovaranje izdavanja audio i video zapisa;

Organizovanje sajamskih nastupa i komercijalnih manifestacija u oblasti estradnih djelatnosti:

Izdavačka djelatnost.

Član 47.

RTV Goražde može osnivati ovisna preduzeća kao i ostvarivati interes u profitabilnim i neprofitabilnim organizacijama čije se aktivnosti odno-

se na funkcije RTV Goražde, posebno na područjima proizvodnje, korištenja i distribucije programa, uz saglasnost osnivača.

Član 48.

Unutrašnja organizacija utvrđena ovim Statutom bliže se razrađuje Pravilnikom o unutrašnjoj organizaciji i sistematizaciji poslova i Pravilnikom o radu.

VII OBLICI PROGRAMSKE I POSLOVNE KOORDINACIJE

Član 49.

Koordinacija rada i poslovanja RTV Goražde ostvaruje se jedinstvenim i istovremenim planiranjem rada i razvoja, normativnim regulisanjem, upravljanjem, rukovođenjem, kontrolom i uskladenim radom.

Direktor RTV Goražde posebnom odlukom utvrđuje oblike stalne ili povremene koordinacije u oblasti programske, tehničke i poslovne funkcije formiranjem Kolegija i drugih oblika koordinacije.

VIII PLANIRANJE RADA I RAZVOJA

Član 50.

RTV Goražde planira razvoj i poslovanje i donosi jedinstvene dugoročne programe i planove razvoja i godišnje planove rada i poslovanja.

U planovima iz prethodnog stava sadržani su programi razvoja i plana rada dijelova RTV Goražde.

IX FINANSIRANJE

Član 51.

RTV Goražde se finansira prihodima od ekonomske-propagande, sponzoriranja i donacija, pružanjem usluga iz okvira svoje djelatnosti, kao i na drugi način, u skladu sa Zakonom i Statutom.

U slučaju da prihod RTV Goražde ostvaren nije dovoljan za ostvarivanje njene redovne djelatnosti, što utvrđuje Vijeće RTV Goražde, RTV Goražde može se dopunski finansirati iz kantonalnog budžeta do sredstava predviđenih u Budžetu.

Iz kantonalnog budžeta mogu se finansirati i programski projekti od posebnog značaja za BPK Goražde.

Finansiranje izgradnje prijenosne i emisione mreže i ključnih infrastrukturnih objekata RTV Goražde, kao i arhivske djelatnosti iz člana 13. Zakona o RTV BPK Goražde, obaveze su Bosansko-podrinjskog kantona Goražde.

Član 52.

Ekonomsko-finansijski odnosi u RTV Goražde zasnivaju se na principu jedinstvene poslovne politike, stimulacije i motivacije za povećanje svih prihoda, racionalnom korištenju sredstava rada i ukupnih materijalnih dobara i sredstava, te rav-

nopravnosti i ujednačenosti rada svih dijelova RTV Goražde.

Član 53.

RTV Goražde posluje sredstvima koje pribavlja i stiže iz slijedećih izvora:

- rezultata poslovanja;
- sredstava Osnivača;
- dobiti iz ulaganja u druga preduzeća i javna glasila;
- namjenskih sredstava Vlade Bosansko-podrinjskog kantona i Federacije;
- donacija i na druge načine u skladu sa Zakonom.

Član 54.

RTV iz ukupnog prihoda obezbjeđuje plate, ostala lična primanja i zajedničku potrošnju u skladu sa Kolektivnim ugovorom i Pravilnikom o plaćama.

Član 55.

RTV Goražde pokriva gubitak u poslovanju u skladu sa Zakonom i odlukama Vijeća RTV Goražde.

Član 56.

RTV Goražde sačinjava izvještaje o poslovanju za periode za koje je Zakonom propisana obaveza utvrđivanja obračuna rezultata poslovanja.

X SIGURNOST I ZAŠTITA

Član 57.

RTV Goražde ima pravo i dužnost da u okviru svoje djelatnosti organizuje i sprovodi mjere za sigurnost i zaštitu u skladu sa Ustavom i Zakonom i drugim propisima i općim aktima RTV Goražde.

Član 58.

Prave, obaveze i odgovornosti RTV Goražde u oblasti sigurnosti i zaštite utvrđuju se posebnim općim aktom.

XI ZAŠTITA I UNAPREĐENJE ŽIVOTNE SREDINE

Član 59.

RTV je dužna da u obavljanju svoje djelatnosti čuva stvorene vrijednosti i obezbjeđuje usluge za zaštitu i unapređenje životne sredine, da spriječi uzroke i otklanja štetne posljedice koje ugrožavaju prirodne i radom stvorene vrijednosti.

Direktor RTV Goražde, u skladu sa Zakonom, utvrđuje mjere u oblasti zaštite i unapređenja životne sredine i stara se o njihovom izvršenju.

XII INFORMISANJE ZAPOSLENIKA

Član 60.

Kao oblici informisanja zaposlenika koriste se:

- oglasna tabla;
- pismeni izvještaji i druga sredstva informisanja RTV Goražde;

Član 61.

Za istinito, blagovremeno, potpuno i razumljivo informiranje zaposlenika odgovoran je direktor RTV Goražde, glavni i odgovorni urednici i rukovodilac uslužno-tehničke službe.

XIII NAČIN OSTVARIVANJA SARADNJE SA SINDIKATOM

Član 62.

Organi RTV Goražde saraduju sa sindikatom u ostvarivanju prava zaposlenika na sredstvima za zadovoljavanje ličnih potreba, prava iz rada i po osnovu rada kao i drugih prava zaposlenika utvrđenih Ustavom, Zakonom, Kolektivnim ugovorom i drugim općim aktima.

Saradnja iz stava 1. ovog člana ostvaruje se:

- pokretanjem inicijative i prijedloga za regulisanje međusobnih obaveza;
- na pitanjima uređivanja osnova i mjerila na sticanju i raspoređivanju dohotka i raspodjele sredstava za plate zaposlenika i zajedničku potrošnju;
- u postupku zadovoljavanja obrazovnih, kulturnih i drugih potreba zaposlenika u skladu sa Kolektivnim ugovorom;
- u postupku donošenja Plana rješavanja tehnološkog viška radnika;
- u postupku davanja mišljenja o prijedlozima i postupcima ostvarivanja prava zaposlenika i zaštita tih prava;
- kod zaključivanja i nadzora nad sprovođenjem Kolektivnog ugovora.

Član 63.

Odnosi organa RTV Goražde i sindikata u ostvarivanju prava i dužnosti iz radnog odnosa zasnivaju se na međusobnom informisanju i saradnji.

XIV POSLOVNA TAJNA

Član 64.

U interesu čuvanja bezbjednosti i uspjeha poslovanja RTV Goražde određeni podaci o poslovanju i razvoju kao i o odnosima u RTV Goražde predstavljaju poslovnu tajnu i mogu se saopštavati trećim licima na način i u obimu propisanom općim aktom.

Poslovnom tajnom smatraju se:

- programski, tehničko-tehnološki i istraživački projekti;
- podaci i isprave čije bi saopštavanje proizvelo štetu i bilo protivno ostvarivanju funkcija RTV Goražde, štetilo interesima i programskom i poslovnom ugledu RTV Goražde;

- mjere i način postupanja u slučaju nastanka vanrednih okolnosti, ratne opasnosti i slično;
- podaci u oblasti sigurnosti i zaštite.

XV NAGRADE I PRIZNANJA

Član 65.

Za poseban doprinos i postignuti visoki kvalitet u radu zaposlenicima se dodjeljuju novčane nagrade i priznanja.

Nagradivanje i priznanja iz ovog člana regulisaće se posebnim općim aktom.

XVI OPŠTI AKTI

Član 66.

Opšti akti RTV Goražde su:

- Statut RTV Goražde;
- Pravilnik o unutrašnjoj organizaciji i sistematizaciji poslova i radnih zadataka
- Pravilnik o radu;
- Pravilnik o sigurnosti i zaštiti;
- Pravilnik o zaštiti na radu i zaštiti od požara;
- Pravilnik o poslovnoj tajni;

Osim opštih akata iz stava 1. ovog člana mogu se donositi i drugi opšti akti.

Član 67.

Vijeće RTV Goražde pokreće postupak za donošenje opšteg akta po sopstvenoj inicijativi ili na prijedlog direktora.

XVII PRELAZNE I ZAVRŠNE ODREDBE

Član 68.

Opšta i druga akta RTV uskladiće se sa Statutom u roku od tri mjeseca od dana stupanja na snagu ovog Statuta.

Član 69.

Međusobna prava i obaveze Osnivača i RTV Goražde regulisaće se posebnim aktom u roku od 30 dana po donošenju ovog Statuta.

Član 70.

Na ovaj Statut saglasnost daje Osnivač RTV Goražde.

Član 71.

Statut RTV Goražde stupa na snagu osmog dana nakon objavljivanja u "Službenim novinama Bosansko-podrinjskog kantona Goražde".

Broj: 26/02
18.12.2002. godine
G o r a ž d e

PREDSJEDNIK
VIJEĆA RTV GORAŽDE
Inas Fejzić, s.r.

143

Na osnovu člana 56. Zakona o eksproprijaciji ("Službeni list SR BiH", broj: 12/87), i člana 3.

